


且亭詩全集



序

古之善為詩者莫周公若如關

雎麟趾

豳風東山及大小雅文王爪脰

諸什大

抵皆周公作也顧周公大聖人也不可

以詩人論後世善為詩者晉有陶淵明

唐有杜子美宋有蘇子瞻明有李空同



其他作者林立要不得與之方駕齊驅
雖其學力之深厚哉亦其得之於天者
有獨至也然是數子者當其聲譽蔚起
海內人士仰之如祥麟威鳳景星慶雲
希一炙其光儀不可得而其後遇合往
往不偶或解綬彭澤或潦倒夔峽或遠

謫瓊崖或繫繫廣信當時既惜之而後
世讀書懷古者亦往往抱其遺編欣賞
擊節高歌歛嗑嚮往不能自已嗚呼才
人之生也寔難數百年而生一人天殆
將與拯溺亨屯之五百名世同其秘惜
鍾異而世之纖夫細人願喜於摧折妬

忌阻其登進之路毀其震煜之名甚乃
有至於欲竄之殺之者何其不仁也然
天下忌才者雖衆而憐才者亦復不尠
是以陽春白雪遺世獨立之章終不淹
沒於酒媪醋婦之手而留其萬丈光燄
比於日月雲霞以待有心目者之快觀

詩曰鼓鐘於宮聲聞於外鶴鳴于九臯
聲聞于天此言有其實者有其名也又
曰風雨如晦鷄鳴不已既見君子云胡
不喜此言君子變而不失其常而詩人
有好賢之美也若吾年友猶龍揚子其
近代詩人之冠乎歿已數年矣今子履

吉與廣平申鳧盟鷄澤殷伯岩裒集其所為詩付之黎棗先是猶龍生平所為詩無弗示余者余既盡付履吉而鳧盟諸子又廣之雖有軼失已得十之八九矣余惟猶龍詩才之妙清新俊逸兼以波瀾老成出風入雅鳳翔鸞翥歷下竟

陵之學不足道也其人品卓絕胸中五岳森立故筆下無一點塵蓋嘗撫一卷而太息對萬壑而冥心自少至長未嘗以家人生殖縈其慮而汲汲若失者惟知心友朋視為性命生死以之書屋數楹襟蒔名花閉戶高吟動經累月望者


視之為天人矣丙戌丁亥詩已丑
庚寅以後超忽入神至蜀道閬中則人
謂子美復生然卒鬱鬱不得志以死搢
紳先生聞而悼痛孤寒之士為位而哭
哭之而涕泗交頤者指不勝屈余則尤
驚心于龍標之五溪夜郎微之之殘燈

冷燄子敬之人琴俱亡也悲哉今猶龍
詩集俱在咳唾皆為珠玉宛轉自成文
章鬼神能促其方至之年而不能促其
不羈之才世俗能阨其華臚之仕而不
能阨其磊落之氣雀兔險道浩蕩煙波
能憔悴其童僕行李疋馬布颿而不能

銷鑠其精思湛解也猶老之詩與人絕
淵明四子之後無疑矣昔徐昌穀自選
平生所為詩文錄曰迪功集及病且死
抱以付其子曰傳我必獻吉也若余與
猶龍交情著聞海內知猶龍宜莫余若
者向已誌其墓故因履吉之請而復為

之序其弁鄙不文知不足以擬獻吉闡
幽光而問竒字尚有望今之皇甫先生
云

康熙七年歲在戊申三月望日年眷弟
栢鄉魏喬介題於京邸之素心居



本傳

廣平申涵光

楊公名思聖字猶龍鉅鹿人也曾祖坦以舉人仕至
杭州府同知祖若栢光祿署丞考粹玉娶閩氏生公
及思廉思謙公自兒時有神童之目十二應童子試
有司竒其文首拔之隨丁母憂已卯鄉試中副榜入
太學復中壬午鄉試丁父憂丙戌成進士改翰林院
庶吉士授編修纂修實錄陞修撰已丑會試分較禮
記得曹本榮等二十八人曹研精理學有大儒稱

世祖皇帝命爲日講官脩顧問餘亦多爲名臣一時咸

楊方伯傳

服其知人歷春坊侍讀學士出爲山西按察使陞河南右布政使四川左布政使辛丑入 覲卒於途時年四十有四公爲人和易無崖岸而中實彊直意所不可雖顯貴不與交而素所往來稱忘形之交多布衣寒士甲申以後天下甫離兵革熙然尚文治公與今冢宰魏公裔介同年友善以文章道義相劘切如左右手魏公作五子詠首推公及魏子象樞曹子本榮申子涵光郝子浴也天下稱曰楊魏士之自負才能來 闕下者必携卷軸謁兩公得其一言以爲榮

兩公亦勤勤汲引一藝之長延譽恐後蓋因而成名者多矣公性無他好好詩及古法書居長安室無勝妾穀色之奉出亦不樂爲酒食讌會一羸馬蹙躡自署中歸棧戶謝客庭中植雜花竹木翛然如林壑詠哦殷達戶外間與所知論海內人物則抵掌大言當今詩若書獨某某數輩耳彼大冠若箕者何爲哉某某以詩與文自負方在顯位無不人人譽之爲古今無耦者公顯斥之至不在論列於是聞者大恚

世祖 皇帝收務之暇兼涉書畫喜滄州戴公明說書

自董華亭而外無取也一日坐便殿 召公及陳
公曠 賜上方筆札書稱 旨賞賚甚厚蓋自米顛
懷研而后此風久不聞海內以公當 上意幸旦夕
且柄用而忌者益不悅會

世祖皇帝加意民事擇廷臣才堪外任者備藩臬選使
益練習俟有效以次 召用之遂出公於山右而陳
公亦出爲外藩說者謂公文采風流宜在翰苑刑名
恐非所長公至折獄精敏輕重各當其辜貪墨歛迹
俱改行易志晉中人曰吾臬自王元美李京山兩先

生以文章吏治照耀前後并公而三耳在中州常攝
左藩事以廉謹聞謁孫徵君於共城徵君懽然以道
統相屬曰吾所見仕宦人超然如此君蓋寡耳及遷
蜀念去家益遠欲自投劾作倦遊草思廣羊不置廣
羊者郡之西山方天下未亂時公與鷄澤殷岳永年
申涵光鋤茅山頂爲終焉之計已而宦遊四方雖膺
組紱無一日不曰吾廣羊吾殷子申子也至是偕隱
之意愈急時制外吏不得自疏陳而撫軍惜其才止
之不爲請遂蕭然携書劔而西登嵩少華嶽入棧道

所至皆有詩公詩風格宗王孟俊音亮節近比信陽
入蜀以後山水之助老氣橫發得少陵遺意時賢莫
及也蜀自兵荒後民少又苦瘠力不能辦租賦是時
滇黔方用兵軍需旁午公轉輸不竭而內撫殘黎蜀
賴以少安未幾病瘧瘧不已肌膚內消食漸少乃杜
門習靜病少愈入 觀舉治行卓異第一以便道抵
家省墳墓欲止不復出而部檄敦促力疾就道至單
懷疾又作豫撫以狀聞乞休致公召殷子與居軹關
侯 命謂之曰吾歸與二子尋廣羊舊跡讀書學道

以樂殘年志畢矣已而病亟嘆曰醫數投涼劑取快
目前耳遂相誤至此惟青渚力言其非青渚來吾尚
可望然青渚寒暑固不出柰何青渚者傅山字太原
高士也博學兼通醫其人素難致而公在晉臬時曾
折節式其廬殷子曰非我自往無濟也時六月大霖
雨晝夜行山谷間四日而至太原踦謂傅子曰猶龍
病先生其有意乎傅曰世無兩猶龍吾安得坐視時
亦抱病慨然遂偕行未至前二日公歿歿又數日而
請告之 命乃下歸隱之志卒不遂亦可悲矣平生

所著有且亭詩七集若干卷行於世娶南宮李氏子
二履吉徵吉皆能讀書有父風

申子曰世以楊公失職悲係鬱鬱而死如長沙者流
豈其然哉公少無宦情舉榮名富貴俗所營營者皆
不屑而志在山水朋友詩文間夫山水朋友詩文亦
何藉於高位且公雖外吏亦方面大僚非遷人逐客
之比謂以性命殉必不然矣獨怪以彼其才親受知
於

人主是宜輔弼在左右乃一出不可復返嘗廷推爲少

司馬及憲副皆不果用豈非命歟韓子曰斥不久其
文學詞章必不能自力以致必傳然則天之所以厚
楊公者固在此不在彼耶

且亭詩

鉅鹿楊思聖猶龍甫著

五言古詩

秋夜感述

空院響梧桐夜未秋方半竟夕不皇寐沉吟坐成歎
披衣步前楹仰視明河爛初月出未高衆星縱橫燦
南有孤飛禽蕭蕭厲羽翰霜重倚侶失哀鳴如有怨
苦被凡鳥猜顧影自驚彈稻梁志已違鳧藻非所玩
何當矰繳收飛飛入雲漢

且亭詩

五言古

送黨大司農于姜告歸

志士樂世業達人貴止足自昔以爲訓白首乃不寤
曠覽懷前哲艷稱有二傳寥寥經千年此道不復著
况當天衢亨羣公正翔步華纓間朱輪照耀紛馳騫
胡然遽拂衣維繫不可駐征車旦夕駕僕夫儼在御
賦贈滿詞林尊酒狹廣路感彼道傍人三歎爲君顧
日夕悲風起驚沙卷高樹去去難重陳庶足慰遲暮

其二

遲暮何所適東山有舊址陽岡富松篁陰崖秀蘭芷
結廬玩晨耕悠然隨杖屨有時逐社飲田父要皆喜
或訪南澗僧玄言偶一啟帶雪劚茯苓穿雲挹石髓
歸來對兒孫陶然不知止

答周元亮

長安無靜交車馬紛相望寸心各有營僂俛學揖讓
嗟我素心友遠隔蠻方瘴濶別已歲周延佇空惆悵
何來雙鯉魚緘書報無恙開緘讀素書畧盡寒温况
雅慕劉簡齋清修秉微尚爽籟振金石孤吟發空曠
如坐仙霞巔聳肩聞高唱寄我篋中山突兀恣竒創

烟雲儵起沒巖角忽歛蕩髣髴來虛室章侯而元亮
人生百年內役役無善狀詩畫及友朋常苦不得當
殷勤謝遠人斯義誠難忘

濟寧道中書所見

水氣噴山浮洪流迥奔峭天際環如繩落日迷蒼嶠
廬舍潛蛟龍鷗鷺相叫嘯濺濺樹頭烟樓臺逶隱躍
我時乘舟來慘淡悲風哨四望盡蘆荻皇問禾與稻
哀哀寡婦哭秋原影堪吊日暮心魂肅餘光銜山嶽

題張似渠先生傳

滄海蘊靈奇青蒼裊烟霧中有餐霞翁高臥心跡素
抱犢耕石田蕭然遺世故不笑亦不言彈琴未日暮
興來偶披灑髣髴見張路公精于繪事愛
平山臨之絕肖偃仰一室
中忽與山水遇鹿門德公操栗里淵明趣悠悠隔世
心千載仰高步

雪

窮巷寡交遊息心就枯槁夜來雪覆門僮饑不復掃
晨起理書齋茗香恣幽討肅肅几案靜稜稜窓隙皎
放眼見西山千峯白灑灑思得一尊酒對酌驅吾老

顧玩坐超忽聞其來屐杳欲沽乏囊錢一笑始願了

寒夜

冬夜凄以長寂寞絕人境涼月薄帷幕荒庭交樹影
寥寥寒柝鳴熊熊孤劍冷擁被不成眠森沉萬慮永
早歲乏深智凌厲思一騁遂爲世網牽甘心逐蛙黷
人生不百年哀樂在所領貧賤各有適豈必勒鐘鼎
愁來憶古人見機苦不猛含恨當語誰淚下如修綆

舍弟廉至都

弱冠生計拙低頭徇微祿十載客京華夢寐隔親族
秋風遲汝來如對諸伯叔挑燈話良夜一一心爲觸
天矯池上松蕭疎籬下菊厨中魚常鮮甕頭酒初熟
佳節誰先醉明月或同宿北郊有別墅我父手所築
別來曠歲年憶想時在目桃李莫輕折園丁宜時督
汝昔慕俠烈比聞就約束茅茨可以居何必取華屋
硤确可以耕何必厭梁肉天道有盈虧君子貴詒穀
拙哉比隣子窮老事積蓄

卒歲感述

我有長恨端迫此歲暮情朔風吹庭樹寒日照柴荆

起坐仰天嘆歸鳥飛且鳴吾生胡不達獨爲世網攫

其二

冉冉冬日暮積雪耀林端負疴卧虛室慨然念微官
家貧祿復薄妻孥常苦寒况乏濟時畧終當歸林巒
柰何日徵逐索米老長安

其三

出門何所適落日見西山回回寸心違逢人多厚顏
三五誰家兒傳呼大道間貂裘控驄馬嚼齧黃金環
出入尚書第可望不可攀引領長太息歸來獨閉關

其四

天運有代謝富貴易汨沒鄙哉何者翁專欲事虛喝
我聞至人訓真樂在寂寞腐鼠良可擲榮名焉足託

懷古

日夕登高臺云是昭王墓野雪蓋枯草下見征人路
霸圖旣銷歇山河亦已故徒有黃金名千載令人慕

其二

燕市豪俠窟擊筑事屠狗酬恩借一言殺身常恐後
我有平生劍芒寒夜觸斗含笑當贈誰感激空在手

寥寥今千年斯人不復有

追憤

愁來昧所適崢嶸歲月長短衣不掩膝日暮纏風霜
撫事感百慮歷亂攢肺腸昔余墜地時微願在四方
雖乏濟世姿安欲効贊匡况遭天下亂不忍卽徜徉
中道罹禍患理數或相妨儵忽二靈逝蕭蕭悲白楊
遂使寸草心無由報春光弟妹未長成幼小誰扶將
流離強因人隱忍情內傷有似失巢鳥哀鳴聲遑遑
乾坤莽回互慘淡日月黃妖星動宸極赤羽挿雕梁

明明天子國鞠爲戎馬場回首橋山松萬古涕浪浪
豈少諸大帥纍若佩貂璫璘玉會登壇賊來不敢當
毒蛇恣吞噬曠野多豺狼潛身匿下里恐懼如探湯
家業旣蕩盡吞聲行暴狼徒跣如冰雪中夜慨以慷
皇天重驅除盜賊不終猖滿洲十萬弦驍騰若雲驟
一洗鯨鯢穢復覩日月光草昧經綸始稍稍力紀綱
從龍皆老成邁軸無留良詔許蓬華士縣官爲促裝
公車旦夕駕無乃太卒倉是時家初破饑臥凍欲僵
但冀沾微祿未便慎隄防含淚別親友亦覺謀未臧

朝廷重文學翰林實國昌
謬以燕石質比美於琳瑯
朝隨同學子聯翩步玉堂
盍簪拜先師問道儼循墻
日走前輩門屏立自矜莊
忸怩對僮僕枵腹事文章
十尊也復陪鴛行敝裘壓羸馬
取笑街頭倡日一朝雖無多周旋
日見雜亂忙常將形問影
初志云何忘我家漳水南
別業在廣羊自從遭羈絆
故壘但空桑子弟婚嫁垂
親戚盡老蒼昨日寄書來
苦道田地荒何如早歸去
披髮耕山岡

漫述

侵曉露氣集東旭照我房
高空麗明霞彩翠表春陽
百卉悅天澤動息以時昌
喑喑衆禽啼離離南雁翔
亞枝花漱灑穿徑蝶悠揚
搗來無所事早起玩晨光
科頭臨芳砌躡履步長廊
地僻心自遠慮清機亦忘
方歎塵埃裏憂勞多感傷

酬紀伯紫卽送其之晉陽

大江勢浩浩南北錯輿輪
往往異人出結交在一言
我家漳水涯子居白下門
素心各有托意氣自孤騫
相逢長安陌雙眼望朝暾
長安多王侯第宅若雲屯

綺筵羅珍食朱纓馳華軒賓從紛選沓附勢如灼薰
靜交有吾徒冥然絕世喧不就唐生決肯借金張援
時時顧蓬徑樽酒共討論落日登高臺慷慨天爲昏
擊筑聲淚下重招烈士魂忽整晉陽駕貽詩重瓊璠
以儷魏給事無乃非其倫伯紫爲石生及感君安所
予作二君子行贈此意貴未敦

除架

吾廬花蔓合蒼藜一林藪朝夕怡客顏幽期良不負
以此倍護持相對如好友霜風夜來吹脆質委楊柳
僕夫理晨課剪伐詎能後蕭瑟立階除婁清倚戶牖
默默感物情沉吟爲之久轉憶明年時花發人閒否

古風

豺虎性并人狼貪固難移哀此虫虫氓蹙蹙安所馳
機深伏臭鳥山澤網罟施矜恤猶不暇况乃任恣睢
晨興理爰書涕下如漣洏坐視不可救惜哉心力疲
昊天有明鑒殺人烏可爲

武闡感述呈同事諸公

猗余草澤士俯首事詩書少壯謬登朝出入承明廬

一麾親簿牒遂與文墨踈
蹶藩蒞中土旬宣長恐虛
憑高望大梁千里見丘墟
十月霜華重方當校武初
殺氣耀弧矢壯士利馳驅
扃闈天宇晶星月下堦除
好友四五人樽酒坐相於
梟聲鳴午夜拔劍共歛歔
海內正遘亂干戈禍未紓
撫卷探竒策寒燈影徐徐
男兒志疆場太息此身軀

遊嵩岳偶紀

乾坤結奧區灝氣宅靈元
羣峯皆內向屹然成一尊
混混烟嵐合終古白雲屯
彷彿鬼神朝愴怛肅心魂
對面少室開拱立如弟昆
三栢自何代老橫盤地根
泠泠天風吹似有聲響吞
下馬剔殘碑纏藤雜苔痕
干戈頽金碧琳宮無一存
怪石當路伏攫挐虎豹蹲
鳴泉聒暗壁綠崖被蕙蓀
的皪野花明鳥雀滿巖喧
一僧嶺頂來負擔行步奔
暫竚詢所歷手指翠微樊
策杖望絕巘飄渺隔天門
我欲從之遊徙倚已黃昏

山行遇雨

栖栖苦無成中年嬰世務
行役安得辭鷄鳴懷往路
陰雨感天時險夷信所遇
振衣陟重岡蹉跌無安步

輿夫怨塗泥招呼何暇顧滴瀝聲轉急千峯起烟霧
風來麥浪翻綠波飛鷗鷺山花隨意開瑣細不知數
衆壑響驚濤丁丁石橋渡牛羊下高巖樵牧隱深樹
旅途雖云勞亦復賞幽趣行行至前村燈火時已暮

硤石

凌晨過硤石土立如深壁昏旦虧陰晴天光窺一隙
積雨泥淖滑行人苦逼窄牽扶強登涉僕馬頗極力
憑高眼初放萬壑明歷歷合杳遠近青負勢各爭出
嶺頂瀉飛泉崩奔若雷激蒙茸草樹豐鳴鳥聽不一
峭絕千仞崖戶牖當豐闢嵌空架數椽束縛還相汲
稚子類猿猱見人滿巖集當時避寇亂久因托家室
吁嗟乎鮮民何年脫險厄近聞多虎患白晝恣吞食
天使人獸爭安敢不戰慄跂予望前途足趼空愁疾

由雲臺至玉泉訪希夷洞

日入琳宮靜夕陽下諸峯披襟步平野漸見遠烟封
迤邐信所適仙宇多竒蹤徑仄塞急峽流水聲淙淙
數轉山更幽鳥鳴翳深松一亭特然立四圍樹色濃
藤根布石上歲久如盤龍洞裏人已去遺像睡方慵

安得叩玄言一爲關心胸羽流道貌古衲衣破不縫
食我胡麻飯相對語從容幽尋興未了前谿隔暮鐘

鴻門

荒郊殺氣高酸風吹野水伏策渡鴻門指點多壁壘
劉項此戰爭英雄各競起乘時取功名得失誠有以
歎息古人沒還爲今人耻

客行

客行漢北口日入夕景迥蕭條市肆空狐狸橫阡陌
一二殘父老面瘦氣愴切向我前致詞欲語聲先逆

自從遭喪亂兵荒歲相接男婦生別離鷄狗喘未息
今年麥稍熟庶望給朝夕誰知復用兵轉餉無時絕
縣帖終日下索夫動逾百邑小苦無丁何以供力役
繫縲及妻孥鞭打日流血棧道勢連雲千里烟火缺
塗汗吏催行身前步轉澁饑卽死路傍痛苦焉敢說
我聞置郡邑本欲蒼生活柰何事敲剥傷殘若饕餮
美官固可要人命亦可惜作此告長民勿貽後世責

入棧紀行

極望峯巒稠雲飛常沒頂空翠霑衣裳吹落澗谿影

花鳥亂聽聞心眼細細領晞陽射碧潭石粼碎光炯
蒙籠草葉陰樹老身戴瘦山鬼時一嘯蕭蕭毛髮冷
前行隔後行後嶺迷前嶺

其二

飛途首茶坪跼步凌盤磴登登僕馬勞相顧色不定
石氣涼生雨停午山色曠感歎發中懷何暇賞幽勝
客子多畏人履險憂踳踳

其三

山深四時殊六月麥未穫地瘠民苦貧終歲衣裳薄
不知造化理于何齊美惡美者豈常妍富貴蒙丹艱
惡者豈常媿貧賤其藜藿美惡天難問窮愁伊誰託

其四

暮投黃牛宿荒垣駐洩烟樹柵防虎過昏黑燈火連
旅食敢求餘菽麥性所便屋角枕巨壑水石聲潺湲
勞生驚物役憂心中夜剪起坐當語誰仗劍淚潛然

其五

棧雲易爲雨朝行蒙霧露崖樹架連橋奔流澗石怒
攀緣爭一罅陂陀馬足誤山禽鳴翠屏幽陰衆壑赴

始知所歷高下見夜來路壯懷在馳驅漫自賦感遇
其六

鳳邑萬山內城小帶砂岡草深鋤犁廢磽确石田荒
居人盡健兒戶口半逃亡况復通秦蜀官差日相望
喧喝盛氣勢錦衣坐當堂奔波縣令走驛吏色倉皇
美酒間大肉飽食身手強持符事橫索鞭朴多殘傷
此輩工假竊仁者宜慎防安忍見窮黎割肉奉虎狼

其七

千峯萬峯盤鳳嶺稱高秀蒼勺巖谷深終古雲烟湊
凄清囀異禽斷續啼猿狖山果俯可拾雜花開錦繡
何處潛蛟龍崩奔雷霆闖百折未及半回首低群岫
稜層石齒尖寸步苦難就嗟哉此險艱行人困馳驟
安得煩五丁手驅巖嶭走魍魎不敢藏朗然見白晝
突兀何時盡鬱結使我疚

其八

客子悲遠道旅途未遑安整裝凌晨發帶雨度柴關
灘石相激聒雲生暗峯巒步滑屢歎仄衣濕幾時乾
強顏慰僮僕談笑輕波瀾中情默自傷胡能駕羽翰

其九

男兒生不偶辛苦遠行遊蜀道連天墜山川阻且修
登車抗前旌慷慨彈蒯緄功名既有分亦不爲封侯
所悲同衆人白首老園丘浩歌懷古烈馬嘶風颼颼
誰能乞世憐未爲高士羞

其十

棧深雷雨驕溪喧愁無寐積霖困荒村屋破苦風吹
蕭條晨爨艱恒饑色憔悴人馬雜坐臥相對發長喟
起視山頂雲縷縷生烟織重陰密難開惜此陽光闕

其十一

棧行苦未已終日歷崔嵬西登鷄頭嶺喜見萬山開
七盤相摺拄石門雲氣來落景望梁州川原遶城隈
不復憂顛墜暫得避喧歷寸心稍慰悅故鄉安在哉
艱難蜀道遠哀歌首重回

觀音寺松花水保寧第一泉也亂後圯塞牧豎
搗突二三詞客賞延之次謀作亭障之賦詩遺
長白僧以導遊者

深寺闕竒秀雲竇根青壁活活停細流方廣不盡尺

澹瀕印日光空影寫金碧參錯野花開飛鳥聲寂歷
供養千指僧房房闌朝汲風塵忽混濁歲久干戈積
健兒日磨刀血落泉源赤諸佛慘不歡冥冥靈怪泣
泥沙何日淨觸目感遊客謀欲樹山亭欄檻爲之隔
聞其絕人喧泠泠似疇昔物理有推遷庶足見洗滌

遊東岳寺

委蛇越重岡轉轉綠沙岸隱望入田塍古寺山之半
下馬躡層梯廢基餘舊殿當門寒鴟蹲白晝蒼鼠窺
發願一僧貧衲衣不遮骭導我捫危崖昔賢書題徧

剝泐繡蒼苔摩索稍可按軋元軋道間唐宋時幾換
再登路愈欹荆藜翳洞面頽臥露殘碑尚記詹公撰
自言家新安明時此謫宦清暇携良朋終歲事遊晏
山水發竒懷杖履烟雲幻因歎太平人流離無嗟怨
徘徊野風鳴陰森毛髮顫諸嶺下西陽大江飛素練

遊玉峯

俗名三臺山

閬南玉峯危獨立諸山遠曲折抱河流回回巖谷轉
凌晨果茲遊沙石亂清淺登頓披蒙茸蹴踏屐齒緩
呀然天闕開群壑俱在眼錦屏西如朝雲氣互晦顯

古殿稍輝煌歲久積塵滿恭惟上帝尊像服猶冠冕
最後孤頂圓峭絕昔誰刻相傳璞璧藏欲採苦深緬
下望見江村人家散平衍戶牖蔭桑麻花竹通鷄犬
尚想堯舜時飲食恣衍衍柰何戰伐仍干戈到漁編
門多縣吏跡夜黑聞賦歛盜賊胡能定鬱紆愁未展
放懷委林丘佳境從斯踐

春蘭

猗猗春蘭枝露氣滋微香賞幽忻採摘移植君子堂
清芬越衆卉淡艷發孤光當其在山谷寂寂以自芳
臨風時寄傲不遇庸何傷堪笑桃與李紛飛逐蝶狂

登城觀江漲

長峽古誰鑿險勢闢閭閻崖束下急湍萬壑爭奔放
潏雨重陰積半夜聞江漲驚響鬪雷霆陣馬鳴甲仗
晨起憑危堞目盡波瀾壯杳冥衆山浮城郭恣滉漾
崩石頽岸沙千艘不得上在昔此川水吳楚舟相望
群流會夔門瞿塘如揜吭千里片時間哀猿叫疊嶂
何當靖寇盜深谷見滌蕩舳艫接東南絡繹看轉餉
飽聽竹枝歌競學榜人唱乘興過荆襄擊楫破巨浪

倏忽通往來布帆欣無恙

送王邁人分藩江右

人生殊南北出門托徒旅相知何用深
邂逅千秋許所以昔人交往往在日杵堪歎
世上兒意氣多豪舉勢盡遂見傾對面成間阻
秋風吹遊子行行至吳楚
龜勉慎音徽庶幾敦古處

其二

迢迢棧嶺雲曲曲岷江流誰云蜀道難前賢多勝遊
與子官此地清燕足夷猶並馬出郊圻吟望登高丘
日暮扣禪關僧飯爲淹留草亭有孫子磊落亦吾儔
談笑無虛日杯酒相獻酬情歡聊共娛於何知窮愁

其三

明允惟君能旬宣我所職兵興賦歛深法令滋忌刻
惜哉凋傷餘而不量其力豈無字人心怵惕未遑克
今子蒞西江度支藉整飭顧視此窮民何以答軍國
征伐幾時靖轉輸浩靡極隱忍愧斯名相對三歎息

其四

落葉千山蕭分飛鴻鴈鳴如何在異鄉茲晨送子行

霜露被征衣寒林多悲聲執手立斯須對酒不能傾
我聞潯陽水江流九派清匡廬勢岷嶧隱處惟孤貞
竒草徧巖谷服食可長生青雲日以馳白髮日以盈
安得脫塵網相從採芝英

尋僧暮歸

獨行盼秋江因尋江上寺逢着南來僧細話還山事
香厨羅清齋妙談遂忘去東峯塔影沉星高月在地
微吟踏月歸鐘鼓隱市肆入門人吏稀衣涼夕露墜
拂几展殘編寒燈照古字

征婦歎

悽悽復悽悽悽悽晝夜啼啼聲一何苦云是征人妻
征人邊城戍結束出門去相送到江頭千山不知處
別時柳花明牽衣語叮嚀歲歲江頭望楊柳幾度青
目斷音書渺買卜兼問禱感歎不理粧首亂如蓬葆
男兒身從軍志欲立功勲應念空閨裏寂寞秋復春
思君不可見妾心似輪轉連朝惡夢多獨坐色驚眩
昨日同伴歸細問疑還非可憐苦戰死骸骨拾得稀
出入忘昏曉兒稚女又小天地太無情忍使紅顏老

山高及水長足未識沙塲安能生羽翼飛去堊君傍
東隣哭聲哀西隣哭聲切切與哀哀纏綿不斷絕
蕭瑟夜雨鳴慘淡悲風驚淚洒堦前地春來草不生
青塚何時旦千載明妃歎憑誰寄琵琶一爲寫幽怨

春郊行藥

負疴四運周久臥積重陰今晨天氣曉和風吹我襟
息初朝行藥駕言適水潯雜英覆芳甸麗日耀層林
谷靜嘉禽集參差弄好音遊子感時序遇物成悲吟
榮名復何事素領忽見侵嘆息靡家室悠悠滯余心

觀音寺遊宴

春色徧郊原蔚藍精舍敞時日照高樓依依花竹長
微風過香楠虛簷布蛛網乘暇集嘉賓良晏愜心賞
他鄉不易逢韶華倏成往爲歡當及時奈何苦執掌

且亭詩

鉅鹿楊思聖猶龍父著

七言古

聽搗箏

夜半鳴箏北堂上勞嘈咽切情所向臥聽罷能星月
高酒淺絃急色惆悵一聲哀怨一聲訴碣石巫峽無
限路宛轉如聞鳥夜啼空濛似有湘靈渡須臾轟闐
鐵怒鳴壯士悲歌氣不平黃雲淡淡砂蓬振白草颼
颼劍戟橫憶昔經過趙李家綺筵紅袖鬪繁華妙歌

此曲巖細細座客滿堂盡歎嗟自從喪亂那聽此不
記開元舊宮徵勸君何必意慘愴人生哀樂徒爲爾
爲丁野鶴題重逢羅漢卷

白描虛傳羅漢像古今幾人稱心賞公麟已沒章侯
灰盡手徒多祇鹵莽我觀此圖真竒古經營毫髮皆
可數綻衣幻作蜃樓雲飛錫倒連滄海雨洪流汨汨
旃檀香老龍夜吐明珠光水精魑魅盡辟易翠蓋靈
旗時渺茫憐君自是再來人靜修白業種佛因暮市
遭逢雙眼碧泥塗一紙見前身携君手爲君題精爽
颯颯日已低相期共結青蓮舍杖履長隨明月蹊

苦雨歌

崩雷圻地浩呼洶倒瀉黃河勢如湧高田下田同一
川南北那復辨禾穞吁嗟皇天號令乖老魚瘦蛟目
喧逐漂流不計邦國活瀕洞忍使南山摧婦子啼號
百計左不眠終夜守燈火南隣塌壓北隣哭輾轉徙
移無一可余本風塵流落人一屋多年更逡巡披衣
起坐坐復立恐懼如聞真宰嗔去年平地走洪濤至
今版築苦難操今年雨爛秋禾灰二三遺黎何遁逃

嗚呼馮夷太顛狂爾輩不仁罪彼蒼亦知消息屬定
理徒令識者久嗟傷金門隱者何所求秋蕪長抱杞
人憂安得奮劍割葦翳推轉江淮盡穩流

送王玄芝督糧江西

曠曠初日照承明 天子開閣引儒英丹樓綺戶森
相望雲霄遙聽讀書聲是時飛纓盡哲匠我正少年
君方壯朝退同鳴花外騶班聯雙接玉階仗囊澁那
問塵生釜狂歌大叫漏長午酒盡何妨典鷓鴣賦成
共許凌鸚鵡豈知迂拙逢世難祇餘貧病寄一官敵

裘屢遭公卿罵薄俸不救妻孥寒風塵荏苒頓十年
感時憶舊各愴然躍馬食肉亦細事骯髒安肯受人
憐卽今流移豈 至尊與子閉口不須論人生窮達
會有命遠宦何必非 君恩况聞東南催科久以爾
作藩意良厚平生康濟有本懷忍使蒼生賦星留簫
鼓中流畫鷁催牙旗十丈對江開追呼無聲吏人靜
飛輓如山萬里來擊筑爲君進一觴寶劍摩娑有奇
光男兒立地當自致焉能拘捉老縹緲世事茫茫歎
路岐爾我相看有誰知秋風倘作故人夢早寄匡廬

一首詩

雪中送廉弟歸

北風獵獵朔雲屯
行子思鄉動征輪
僕夫在御馬在轅
欲別執手聲吐吞
河橋路凍斷行人
飛鳥無聲沒前村
望而不見徒逡巡
冒雪歸來獨閉門
含恨空齋誰與言

叫天歌

今年雨多催寒早
秋盡朔雪枯邊草
關山指墮歎征人
沙戍風高沒飛鳥
天地慘淡凍雲結
重裘不暖皮肉裂
塞上將軍欲獵難
金門學士愁囊竭
幾處墮旆映燭華
誰家珠翠繞琵琶
烹羔炙酥猶含冽
何況流亡在天涯
街頭日暮悲風起
鳩形盡是可憐子
腹中無食體無衣
號寒孰緩須臾死
忍死強叫天天天
茫然層冰峩峩山
雪盛豺虎咬人殺
氣纏天乎不可叫
萬姓苦無告
高車駟馬彼何人
痛哭早下蠲恤詔
放歌行贈崔興我

督亢陂邊沙皓皓
昭王臺上空衰草
擊筑難尋舊酒徒
拔劍哀歌天欲老
崔生崔生謫仙儔
一飲一石不

能休心輕黃金如糞土常將白眼對王侯昔年驄馬
氣如電揚州視醜誰不羨一朝歸來祇敝裘蕭索程
門無人見惟我與君最相親得錢沽酒不辭貧脫帽
露頂復大笑人間毀譽等浮塵只今持節向安廬許
寄毛家一籠書丈夫相知在然諾天涯雖隔猶比閭
執君袂把君杯眼前同心能有幾身後榮名安在哉
柰何不醉徒徘徊

雪中東喬文衣

朔風颯颯枯樹響長安雪花大如掌泥滑街迷沽酒
壚夜寒燭冷讀書幌喬子傲儻世無倫偶來燕市逐
風塵僵臥禪房不肯睡狂呼每使老僧嗔興來落筆
字如斗一夜吟詩三十首今晨重枉瑤華篇囊錢罄
盡涎流口兀坐茅堂客思枯把子奇文色敷腹挑燈
誄罷還復誄冷冷哀聲扣珊瑚我有儲醕瓶未開忍
寒珍重待君來相見不必勞相問竟須一飲三百杯
天地凍裂蛟龍藏黃昏寒鴟嘯空梁與爾同謀今夕
醉世上啁啾空自忙

雪浪石以子瞻得名魏石生年丈雪後望西山

曰此雪浪山也作詩屬余和之

亂石槎枒古北口怪雪吹山山勢走千巖萬巖何天
矯天吳鼓鬣老魚吼絕似層冰結又如碧海移耳邊
已聞驚濤怒眼底常見堆琉璃蒼虬蜿蜒數百里噴
珠濺沫鞭不起中有雲氣隨變化晶光騰掉鱗甲裏
昔有髯蘇氏得石名雪浪卽以顏其齋作銘坐相向
吾友石生更好竒每對西山發浩思雪後迴視忽大
叫高懷應許子瞻期風塵瀕洞道路艱泥污車馬滿
市闌安得携手任岩間劇藥煖霞弄潺湲來徃空明

豁心顏

同魏石生年文投河歎

石生石生真給諫慷慨示我投河歎伸緼拜讀未能
終頓使流涕淚被面乾坤黯淡殺氣蕭浩浩洪流悔
平陸驚濤圻地鬼夜號怒浪掀天人晝哭我愛元道
州憂民心如怒作爲舂陵行庶以愧當職君詩悲壯
有如此筆力豈不與之敵前月一疏竦天聽繪圖
不數監門鄭中旨勅發內帑金歡動川谷路人頌
我亦賦詩哀流民上書不得徒吟呻乃知豐凶天地

事捍患弭災賴大臣嗚呼安得 天子用爾爲大臣
致君堯舜風俗淳恩加四海無窮鱗

飄風行

黃雲覆天天夢夢飄風撼地地欲動百丈層冰結重
陰白日無色勢瀕洞獵獵寒旌殺氣高驚砂撲面利
如刀鴻雁聲澀馬毛裂魚龍凍蟄狐狸嗥燕南濟北
人蹙蹙歎者含冤生者哭搃有樂土那可移奮飛不
及鷲與鷺流離深感皇心傷詔書十道被遐荒誰能
遣此風霜歲忍待明年春麥黃

送彭燕又旋里兼訊顧偉南

光熹之際龍在野人文往往歸復社當時陳徐最知
名君也犄角不相下十數年間歎沉淪俊及厨顧俱
埃塵短衣破帽子尚在流落誰悲矢志人去歲上策
復不遇憐才難買千金賦狂歌日沽燕市醪痛哭屢
吊昭王墓愛我時時肯一過酒闌擊劍客顏酖人生
感激爲知己抒心寫意豈有他送子七月涼風早蓴
菜鱸魚秋正好到家爲問顧偉南他日相逢漫草草

雪樵子行

昂藏七尺雪樵子浪迹金門饑欲死十載栖遲守一
官不堪重問少年事少年意氣頗不羣共羨作賦凌
青雲縱橫豈屑秦王父指顧常輕霍冠軍交遊盡是
天下才置酒論文登高臺屢欲將身獻 聖主手拯
蒼生何雄哉物換星移陵谷改相看無復舊顏在著
書誓擬老吾廬採藥頻期入滄海偶觸世網困風塵
敝裘羸馬走跋跋自憐不是公卿器且復低頭隨衆
人懶慢從來不同調強學磬折何山肯婆娑每使長
官噴噴瞪微聞僮僕笑以此感歎獨閉門蕭條謝客
負朝暄一歲苦吟詩一卷眼暗手皴雙鬢髮君不見
潯陽陶元亮囊懸乞食猶無恙罷官彭澤乏酒錢黃
菘滿把坐相向又不見浣花卜居叟亂離衣衫露兩
肘朝移西瀼暮東屯旅病年年艱升斗歷觀古來達
人高士大抵皆如此况我才疎已老醜雪樵子爾何
癡郭外有田床頭有醕遮屋青山雲靉靄當階流水
竹籬披何如早歸去耕爾田啜爾醕登山臨水讀書
彈碁胡爲汨沒名利場魚魚鹿鹿下氣低眉黃金不
可聚官高亦足危以窮以老安足悲

上元同人讌集

去年上元在都下兒女滿前聲啞啞寶馬毬車不暫
停燭光照地銀河瀉今年上元在邊州蕭條風景使
人愁明月無聲悲笳動但聞四壁寒颼颼同人三五
集今夕飄零俱是江湖客座中狂歌誰最豪四明周
子醉眼白夜闌星墮燈影橫促席擊劍話平生丈夫
有才不見用何必區區學逢迎

毛將軍贈刀行

將軍意氣誰與儔錦衣貂帽紫驂騮俄頃往往決太
計雄畧何殊班虎頭慷慨憐余稱同調握手相看忽
而笑脫贈寶刀如有神良工動色嗟光耀虎氣龍身
寧从藏風雨時時聞騰驤誓以精誠托俠士羞將竒
質炫明堂男兒各有封侯志世間何多不平事好歸
匣裏莫常開他日中原爲君試

故宮行

黃雲黯黯悲風起萬捲洪濤咽河水孤城半沒睥睨
浸傳是當年王孫里珠樓緝闕已成塵萬戶千門生
荆杞熊羆不復守故宮民間往往拾金璽白頭老吏

雙泪垂指點猶能憶舊趾最後有山鬱巖崕委蛇直
與前殿通問之知爲古良嶽崩頽石壁嵌玲瓏草深
磴道已無路洞壑雨塌倒亂蓬兩朝繁華歸何處蒲
眠山河感慨中我行至此欲安往夕陽老樹搖春風

始皇墓

祖龍東巡山鬼蹙發徒穿壙殷山谷木石驅盡天爲
驚血汚遊魂聞晝哭茫茫何處問神仙臭燈不滅照
黃泉銀海金鳧一朝閉石馬無聲泣斷烟當時氣勢
如號虎六國平來誰敢侮豈知身歿阿房焚寂寞驪
山一抔土君不見漢文陵墓亦荒涼路人下拜每傍
徨夜來樵牧高丘話風雨時時怨始皇

聞感策

嗚嗚巖城感策鳴軍中號令晝點兵征馬群嘶壯士
怒朔風慘烈捲旗旌可憐此日天涯客萬里飄零鴻
雁滅颯颯寒雨不堪聽一望關山頭盡白

送人赴蜀鎮幕

中原雲擾競逐鹿奔走下士應無數整頓往往歸異
人豈能憔悴老山谷羨君年少迥出羣翩翩意氣美

而文紫駟飛轡致千里白裕談兵驚一軍上書曾邀
天子顧杖策西出蠶叢路論蜀爭傳司馬文登樓漫擬
仲宣賦憐余薄宦歎飄蓬愁病獨吟一老翁相逢傾
蓋如舊識時時慰藉旅途中江城春早寅回斗梅花
爛醉嘉陵酒野寺行吟送夕陽山亭吊古圍衰柳卽
今經歲苦南征烽烟滿地哀笳鳴君去莫惜服中箭
爲我一隻下聊城

酬王邁人見懷之作

梅花已落杏花吐庭樹春禽兩兩語微風一夜吹草
堂曉來獨看屏山雨珍重裁書寄數行淋漓佳句鑿
痕香烹茶要欲聞清話泚筆頻遲作報章憶昨追陪
成造次朝飲江頭暮佛寺相別不覺動隔年車馬雜
還非我志平生快意幾能酬况予與君同宦遊嶺雲
溪水徒勞望子規敲斷使人愁

野人歎和王邁人用元韻

野人歎息逢世亂干戈百年已過半城郭蕪沒田廬
空十家九家盡鼠竄荒郊積骨如山丘鬼哭夜夜咽
空喉傷殘誰解惜民力帝遠天高呼不得

其二

野人歎息戰伐勞傳檄徵兵入不毛芻粟供應如雷
急哀鴻滿地殷嗷嗷公然入城攫市貨撲鷄射狗行
索賂處處劫官賊旗樹我兵我兵及早去

其三

野人歎息歲時惡秋雨連綿春雨潤塲稻生蠖麥苗
乾可憐終歲事耕作官發招買年年有轉運何曾見
停手忍饑背負大道邊腹中無食囊無錢

其四

野人歎息挽梓苦官差絡繹勢如虎頭船未過後船
來沿門捉夫動城府別家數月心搖搖子散婦離遭
寇燒鞭撻怒呵不知恤生拋故鄉死作客

其五

野人歎息天殺人大江流血傷赤鱗箭簇遍地骷顱
語至今望氣識金銀落日幾家泣夕陽賦歛頻催田
地荒殷勤爲告諸朝士上書一念可憐子

紀變

日維巳亥夏四月六日日暮北風發嘉陵城中男婦

驚白晝爲昏天柱折黑雲壓空空亂鳴雷霆怒擊鬼
神爭官舍民居一時盡灰飛滿地聞哭聲東有草堂
聊宴息火燒重茅撲不得花樹應悲他日看圖書幾
慰平生憶可歎宦遊人旅行多苦辛愛此數間屋復
遭烈炬焚使我出無所見入不能存魍魎朝走鴝鷓
夜吟毒蛇猛虎瓜牙凌侵眼枯唇焦顏色詭浩歌激
越滯江濱

苦雨

巴蜀羣山山雲屯十日五日雨聲頻竹籬塌壓連牆
倒鷺鴨喧闐惱比鄰經旬不出閉門坐簿牒沉綿愁
無那碧草青苔綠階生鳩鵲鳧鷖交相賀驚聞街頭
米價高民窮難免衆嗷嗷稻畦淹沒豆苗晚耕作誰
憐終歲勞况復夔州尚苦戰轉粟如鱗常恐玩幾時
兵罷雨亦晴閭閻沽酒賣釵釧

楊龍山按獵南郊晚歸馬上同白奔山人賦

霜落巖城急鼓吹將軍合圍清晝出亂踏沙石渡江
橋旌旗照曜北風利揮鞭號令徒御驚撥草疾驅不
聞轂用命者賞違有罰此雖小技可知兵馬鳴士奮

蛟龍吼鬼狐殺盡亦何有奏凱從容引角弓仰射飛
鳶貫其首須臾置酒南山頭將軍宴饗歡椎牛醉臥
氈毼幔帳煖金樽交勸枕吳鉤書生舊是高陽侶烏
帽雄談見獵喜憐君意氣盡君杯笑吐肝膽誓河水
鴉啼葉落又夕暉蜿蜒平岡聯騎歸隔林人語燈火
亂月寒夕露濕征衣

酬白奪山人

遠宦巴蜀親知絕望白奪山人萬里間關踰
險過訪交情至此不愧昔賢矣開門迎揖櫛
視勞苦頃寓僧寮輒枉瑤篇百讀十吟朗然
王案不揆拙鄙率爾奉酬冀抒情愫耳山人

忘其姓名

吳越山川競紛紜大河南北盡平原勒銘昔傳劔閣
險叱馭只今誰更聞白奪山人姓名幻襍被芒鞋足
跡徧五岳登臨眼底明閒興驅驢入雲棧剝啄開門
相顧驚剪紙燒燈話平生萬里無書故舊絕君來今
復見交情酌酒坐我見山堂竹樹冬青蕉花香烟霧
霏微錦屏立吏散烏啼午夜涼落落那堪與世偶獨

訪禪關僧爲友長歌短詠致淋漓濡髮狂書墨盈斗
高聳肩平叉手撞金鑪破瓦金字裏蹺蹺舞鳳飛行
間鬱鬱蛟龍走少陵詎已矣謫仙呼出否噫嘻哉江
山勝槩幾千年斯地斯人不常有

且亭詩

鉅鹿楊思聖猶龍父著

五言絕句

題畫

幽徑蒼苔滿秋山黃葉賒騎驢吟正穩不覺夕陽斜

其二

樹裏半開門兒童報客訪携棊兩忘彈坐聽松風響

其三

隱者白雲外杖藜踏淺沙歸來看紅樹吹落滿貧家

且亭詩

五言絕

其四

沙虛鴈影移月明蘆花廣時有打魚人孤舟聞盪漿
喬文衣寓燕寺雪後有新什許示久佇不至因
先寄此詩

其二

夜雪打空廊高人詩骨冷吟成獨坐遲惟許老僧領
風雪詠繩牀報我有佳句亂落梅花君詩在何處
見山堂秋曉

曉起坐空堂寒花垂白露科頭懶讀書閒倚籬邊樹

且亭詩

鉅鹿楊思聖猶龍父著

七言絕句

送傅掌雷兵備清源

十載同官第與兄燕雲朔雪送君行醉餘慷慨看長
劍岐路悲歌漫不平

其二

携手河梁動晚颼海天渺渺足離思憶君獨醉清源
月徭靜歌殘夢到時

且亭詩

七言絕

其三

尋常愛客引清卮
慣唱新聲白紵詞
別後絲雲何處落
霓裳難譜使人悲

其四

扶風帳底坐吹笙
史筆常懷宋子京
一代書成人不識
名山風雨護龍精

其五

材官千隊擁旗旌
笳鼓喧填父老迎
從此潢池皆赤子
一犁春雨事農耕

其六

竹盡淇園役未休
使臣空影日悠悠
君行正及桃花水
疏鑿應寬聖主憂

張秋道中口號

水漲沙頭日已曛
鷺鷥鴻鴈各成群
微茫樹色參差見
合沓山容遠近分

題李五絃亡姬遺像後

霜散空庭暗錦茵
梨花夢斷永傷神
清時幾見留才子
薄命由來是美人

其二

感君共賦白頭吟
花外泠泠調素琴
恠底曲終人不見
百年情竭爲知音

其三

嬈嬈芙蓉秋可憐
兒家幽慧倩誰傳
館娃築後無西子
明月空歸范蠡船

時五絃告歸

送人

黃沙千里塞天懸
疋馬蕭條出送君
一曲驪歌腸欲斷
前程望望起行雲

其二

兩年懷抱許君知
君去遲遲勸酒卮
海上傳書人不
到天邊有夢鴈來時

明妃詞

蒲地笳聲夢裏疑
覺來猶似漢宮時
玉顏不遣君王
問恨少黃金買畫師

阿嬌怨

夜捲珠簾霜色繁
沉沉宮漏咽長門
雙蛾不肯隨人
畫買賦何由感至尊

班婕妤好

玉輦辭來事不同，獨憐團扇畏秋風。
殷勤寄語承恩者，莫放紅顏損鏡中。

人日

雲物暉暉護薄寒，幾年佳節寄長安。
敝裘典盡厨烟冷，可有隣人送菜盤。

其二

蒲城絲管伴愁吟，人日題詩淚不禁。
獨把青樽成晚眺，昏鴉飛盡遠鐘沉。

過魏環溪可亭留飲深談

蕭蕭蓬徑易招尋，風雪相看共此心。
門外軒車應不到，清談常是坐燈深。

其二

焚香酌酒話名山，世上榮枯摠不關。
莫笑兩翁生事拙，長安新得幾人間。

其三

桂菴詩句敵秋雲，凌許清詞亦不群。
驚起同君澆酒讀，滿窓風雨葉聲聞。

出江桂菴凌十齋許鷗湄諸公
秋日倡和卷同讀

其四

閒居豈敢怨蹉跎，靜裏關門學養疴。聞道蒺藜能却

老，不須因果問維摩。

近服蒺藜有效，本草云久食可以長生。

其五

萬點蒼山雉堞齊，鴈門關外草萋萋。獨憐李牧還祠

廟，零落殘鐘臥澗溪。

雁門有李牧遺廟，土人伏臘祀之。年來傾圮，獨荒鐘橫枕于山

谷間耳環溪，數過其地，慨然將謀修舉，為余言之如此。

其六

曹子存孤托死生，感君為賦古交行。如今此道成輕

薄，不是黃金不定盟。

譚氏有遺腹子，余門曹厚菴抱而命其內人撫之，環溪為作古

交行

守歲

老大難禁歲暮寒，隨人強薦五辛盤。愁來忽憶當年

事，竹馬兒童何處看。

春日魏環溪過訪，余以臥病偶缺，展待輒枉見

訊，依韻奉酬，亦解嘲之意也。

蕭條春舍晝關扉，伏枕遲君君亦違。自是蒙莊其寂

寞，誰云天祿好忘機。

來詩云：石渠天祿觀摩畫，檢得蒙莊學化機。

且亭詩

七言絕

五

其二

朝來謝客戒新憂，靜裏攤詩自校讐。作賦不須煩狗監，文園今已雪盈頭。

來詩有狗監不療司馬渴之句

立秋

荏苒年華客裏過，天涯人老柰秋何。空階一夜蟲聲亂，不覺鄉心滿薜蘿。

秋夜

宰憲風嚴葉打窗，滿城殘月吹寒厖。征人驚起披衣坐，夢裏渾疑是舊邦。

憶周茂山

遙指孤帆一月程，榴花開遍蓼花明。思君夢繞錢塘水，聽到江猿第幾聲。

贈溫獻之

相逢涕淚且停揮，城闕蕭條夢裏微。唯有青山常不改，月明時見鴈鴟飛。

九日

節物驚心天一方，重陽兩見菊花黃。雲山萬里無歸雁，何處登高望故鄉。

示離指和尚

鐘動黃昏山寺秋白雲紅樹隱沙洲老僧閒坐心無事獨對門前江水流

于念劬自渝州回携蘇帖花石黃柑見惠賦謝
數行榻得墨痕新虎攫龍拏鈎似銀想像峨眉山下
月蘇公當日是前身

其二

奇巧天然五色陳銅盤浸水玉粼粼恠來海嶽當年
拜袍笏顛狂呼丈人

其三

分來綠橘與黃柑堆案傾盤不厭貪君去風流何處
寄獨留秋色似江南

